

衆香詞

樂集

大東
書局
印行

樂集題辭

文宗

李家文集花萼相輝謝氏夢思壘篴迭奏在昆弟猶傳其盛
况姊妹更罕其儔寫女子之善懷用諸兄之筆硯剪飛霞之
輕綵貫向月之纖針有如花成連理綉手同拈一似畫競新
奇蛾眉各媚卽汾湖沈葉芳雪疎香角里黃孫劈蓮愁散爲
一集者猶詩之敦唐棣而重鵲鴒也

樂集題辭

女宗

夫讀唐棣之篇者不少而咏鵲鴒之句者尤多卽母女何妨
結以連環若姊妹亦可收爲合璧婷婷嬈嬈齊翻楊柳之枝
暮暮朝朝對浴芙蓉之鏡疎香疎影唱出新歌繡罷繡餘填
成妙曲同惜芳菲之易老吟紅自伴花愁却憐多令之難長
午夢慣隨春去雖不是昭陽第一也應誇粉黛三千聊借雙
棲遂成合

Blank page with vertical ruling lines.

衆香詞樂集 族里女宗

黃岡吳升東巢薇 襄陵喬國彥俊三

定

任丘麗 塏雪崖 黃山洪嘉植秋士

沈宜修 字宛君吳江人

葉紈紈 字昭齊吳江人

葉小紈 字蕙綢吳江人

葉小鸞 字瓊章吳江人

沈智瑤 字吳江人

沈靜蓴 字曼君吳江人

李懷 字玉燕華亭人

曹鑑冰 字葦堅嘉善人

張芸 字偶存崑山人

葉楞 字擁翠崑山人

顧長任

字重楮錢塘人
謝庭香咏

顧 似

字啓姬錢塘人
靜御堂集

張學雅

字古什太原人
繡餘草

張學儀

字古容太原人
滋蘭集

張學典

字古政太原人
花樵集

沈友琴

字參荇吳江人
靜閒居詞

沈御月

字纖阿吳江人
顯芳軒詞

沈憲英

字蘭友吳江人

沈華蔓

字蘭英吳江人

沈樹榮

字素嘉吳江人
月波詞

沈靜筠

字玉霞吳江人
香橙亭集

李 素

字冰心懷慶人
疎影詞

許冰玉

字潔人常熟人
染香菴集

許華存

字小魏常熟人
寒漣詞

王靜淑

字玉隱山陰人
青藤書屋集

王端淑

字玉映山陰人
吟紅集

黃德貞

字月輝嘉興人
雪椒草

黃媛介

字皆令嘉興人
離隱歌

孫蘭媛

字介晚嘉興人
硯香閣稿

孫蕙媛

字靜晚嘉興人
愁餘草

陸宛檀

字端毓

韓珮

字映玉婺州人
鸞音

韓宛

字湘烟婺州人
飲綠亭詞

吳肫

字疑真華亭人
忘憂草

張學象

字古圖太原人
硯隱集

張學聖

字古誠太原人
瑤草集

張學賢

字古明太原人
華林集

顧諤

字天孫崑山人
螺浮軒集

顧蕙

字又蘇崑山人
蘿月軒詞

彭琬

字玉映海鹽人
挺秀堂集

彭琰

字幼玉海鹽人

嚴懷熊

字芷菴餘杭人
攬雲樓詞

吳湘

字婉羅錢塘人
組紉草

柴貞儀

字如光錢塘人

柴靜儀

字季嫺錢塘人
凝香室詞

章有嫺

字媛貞華亭人

章有湘

字玉筐華亭人
澄心堂集

章有渭

字玉璜華亭人

楊芝

字淑秀吳縣人

楊芬

字瑤季吳縣人

居友月

字永輪吳縣人
繡罷吟

居伴芳

字若苹吳縣人
深柳堂詞

衆香詞樂集 女宗

瀘州先 著渭求

玉峯徐樹敏師魯

華亭王頊齡瑁湖

選

同閱

金閭錢 岳十青

長白曹 寅荔軒

平山崔岱齊青時

沈宜修

字宛君吳江人明憲副懋所公女水部葉仲韶室三

葉葉交光中秀雙姝尤餘清麗驚才凌乎謝雪逸藻嫻於
班風湘濤晨捲新文與旭彩齊暉金穗宵垂細蕙同夜鐘
較靜裁繁花于皓腕剪秋月爲冰心蓮鳥能飛翠脰皆語
一則天末鳳樓爰隨簫史一則春塘鴛鴦睡未許山陰真連
璧之傾城洵多珠之聚掌影闕金閨或惟母認名鏤紫琬
不許人知豈期賦樓雖有碧兒侍案復須玉史妹初奔月
姊亦凌波嗟乎傷哉天邪人也觀遺掛之在壁疑魂影之
猶來痛猿淚之下三哀雁字之失二左思賦嬌不堪更讀
中卽絕調今復誰傳於是檢厥遺文花花卸淚吟其手澤
燕燕窺窗或崔徽真在卷中卽夫人儼臨殿外授之梨氏
用告邦人觀其瑤情蕙質洵天遣以暫來知夫霧骨烟姿
定人留而不住東家有女請莫效顰南史若來幸爲編傳
遂于懺除綺語之餘有此不揣
揄揚之贅弁諸冊首留作新譚

憶王孫

芳箋題罷困紅綃小夢無端過斷橋月影江聲送去潮漫魂勞
簾外輕風到柳條

如夢令

月夜

月暈天邊常有緒渾如中酒酒醒是何時樓外烏啼楊柳依
舊依舊贏得梅花消瘦

浣溪紗

七夕

落日粧成罷錦梭飄搖仙珮駕
漸過銀河風靜出金珂
青鵲
粧催睂月小紫鸞彩簇步雲多
雙棲玉樹笑嫦娥

前調

時往金陵留別張倩倩表妹

佩落吳江鱸正肥多情空自繞漁磯
今宵千里斷腸時
一棹
青山人正遠半床紅豆雨初飛
別離無奈思依依

前調

侍女隨春破瓜時善作嬌憨之態諸女咏之余亦戲贈

袖惹飛烟綠鬢輕翠裙拖出粉雲屏飄殘柳絮未知情 千喚
懶回伴看蝶半含嬌語恰如鶯嗔人無賴惱秦箏

前調 咏雪

瀟灑幽窓徹夜明飄飄散影積閑庭謝莊衣上點盈盈 喚女
欲將呵手蹟呼兒撿取作茶烹松風颯颯滿簾生

菩薩蠻 元夕後送別長女昭齊

畫屏開宴燒銀燭一樽重按陽關曲小院罷燈紅落梅吹斷風
簾前今夜月明晚傷離別到得看花時依然獨自知

更漏子 寄弟君晦

舊愁新新夢去長恨畫簾鶯語堤草軟野花輕隨帆送棹行
鸞鏡掩翠蛾欽襟袖空餘淚點生別恨半銷魂風吹月照門

瑤池宴 和弟君晦韻

輕寒陣陣欺花困半嫋垂楊乍籠餘恨藏微暈羅巾愁濕粧前

認 傍簾櫳花影堆悶香消損東風幾負春信憑誰訊平波正
遠憐雙髻

望江南 西子湖紀勝選一

湖上女高髻簇雲鈿脂粉邀人隨意傳綺羅趁體及時穿綽約
晚風前 勞望眼何處最嬋娟可是行雲歸楚峽疑來解珮出
湘川空惹惱人憐

虞美人 閏六月初七

年年新月鈎簾小鵲語星橋早鴛鴦樓上罷流黃正是香生碧
簾夜來涼 今宵空惹迴腸切數盡螢明滅雙蛾蹙淚濕嬌愁
拚取恨隨槎影再悠悠

蝶戀花 七夕

佳節漫憑真與誤聊設疊樽看取橋爭渡倩得蟬聲遲日暮斜
河一帶疎雲度 乘興花陰杯莫負望裏星飛却是流螢錯遙

憶難堪歸去路明朝愁殺殘機坐

前調 和張倩倩有所思

竹影蕭疎淒曲院那管愁人吹破西風面一日柔腸千刻斷殘
燈結淚空成片細語傷情過夜半陣陣南飛都是無書雁薄
倖難憑歸計遠梨花雨對羅巾伴

蝶戀花 有所思

張倩倩倩

漠漠輕陰籠竹院細雨無情淚濕霜花面落葉西風吹不斷
長溝流盡殘紅片千遍相思纔夜半又聽樓前叫過傷心
雁不恨天涯人去遠三生緣薄吹簫伴

繫裙腰 春情

東風薄劣絮飛斜紅香落亂朝霞榆錢不買春風住人未還家
翠綃淚點無涯小院重重芳草綠屏半掩夢梨花鶉聲又喚
黃昏近幾陣歸鴉漸看月影到窓紗

風入松 思弟君晦

柳絲籠碧碧雲低淑景遲遲問春幾許枝頭也野花處處芳菲

夢遶池塘青草愁聽枝上黃鸝 小庭疎雨又薔薇瘦損紅衣
欲憑遠信青鸞杳望天邊江樹依依往事不堪重憶雲山極目
魂迷

聲聲慢

做舊人作韻用八聲字

春光難問烟草忘情憑將綵管新聲官額初消雕梁紫燕聲聲
湘簾半捲影碧畫欄杆幾樹鶉聲杏花下把瓊簫低按試學秦
聲 綺陌香車競艷聽清歌緩緩是處春聲小院人閒飛花悄
悄無聲松風忽來繡戶韻初涼吹作濤聲更有那楊柳外鶯語
數聲

水龍吟

悼女

綠陰慘結閒庭捲簾不耐看風雨竹深烟徑柳鋪雲影澹然秋
浦小閣淒涼畫屏寂寞恨知何許聽杜鵑啼罷亂紅吹散剩得
閒愁如縷 一自楚些賦後又嬋娟幾番三五琴書晝永衣香